



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće*

Lukavac, 01.02.2010.godine

**SLUŽBENI GLASNIK
OPĆINE LUKAVAC**

2010.godina

BROJ 1

SADRŽAJ BROJA 1/10

Akti Općinskog vijeća

1. Odluka o davanju saglasnosti na korigovani početni bilans JP „Rad“ Lukavac, (pravni sljednik „RAD“ Javno preduzeće za komunalne i znatske usluge Lukavac) na dan 31.12.1999.godine
2. Odluka o značajnim manifestacijama i načinu proglašavanja i finansiranja manifestacija od općeg interesa na području općine Lukavac
3. Odluka o obavljanju volonterskog rada nezaposlenih osoba visoke stručne spreme, sa područja općine Lukavac
4. Odluka o izmjenama i dopunama Odluke o službama organa državne službe općine Lukavac
5. Odluka o utvrđivanju kriterija za dodjelu stipendija
6. Odluka o izmjenama i dopunama Odluke o visini vijećničkog paušala i drugih naknada
7. Rješenje o imenovanju članova Upravnog odbora JU za odgoj i obrazovanje djece predškolskog uzrasta Lukavac
8. Rješenje o imenovanju članova Komisije za praćenje izvršenje budžeta

Akti Općinskog načelnika

1. Rješenje o formiranju Komisije za provođenje redovnog godišnjeg popisa za 2009. godinu
2. Rješenje o imenovanju savjetnika načelnika općine Lukavac



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-175 / 10
Lukavac, 27.01.2010.godine

Na osnovu Odjeljka VI član 4. Ustava Federacije Bosne i Hercegovine („Službene novine F BiH“, broj: 1/94), člana 35. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06), Presude Ustavnog suda Federacije Bosne i Hercegovine broj: U- 4/97 od 22.7.1997. godine, člana 1. Zakona o javnim preduzećima u Federaciji Bosne i Hercegovine („Službene novine F BiH“, broj: 8/05, 81/08 i 22/09), člana 3. stav 1. Zakona o prenošenju nadležnosti upravljanja i raspolaganja neprivatizovanim dionicama, kapitalom i imovinom javnih preduzeća („Službene novine TK“, broj: 7/05), Zaključka Skupštine TK broj: 01-02-756-12/06 od 09.5.2007. godine i Zaključka Skupštine TK broj: 01-02-473-7/07 od 30.01.2008. godine, Zaključka Vlade TK broj: 02/1-19-243/09 od 13.4.2009. godine, člana 32. Statuta Općine Lukavac - prečišćeni tekst („Službeni glasnik općine Lukavac“, broj: 5/08), a u skladu sa Presudom Kantonalnog suda u Tuzli broj: 003-0-U-06-000306 od 28.9.2006. godine i Presudom Kantonalnog suda u Tuzli broj: 003-0-U-07-000479 od 19.11.2007. godine, Općinsko vijeće Lukavac na 17. redovnoj sjednici održanoj, donijelo je

O D L U K U

o davanju Saglasnosti na Korigovani početni bilans J.P. „RAD“ Lukavac
(pravni sljednik „RAD“ Javno preduzeće za komunalne i zanatske usluge
Lukavac)

Član 1.

Ovom Odlukom daje se Saglasnost na Korigovani početni bilans J.P. „RAD“ Lukavac (pravni sljednik „RAD“ Javno preduzeće za komunalne i zanatske usluge Lukavac) na dan 31.12.1999.godine po osnovu Odluke Općinskog vijeća o utvrđivanju opšteg dobra broj: 01-02-1-318/00 od 17.02.2000. godine i Odluke Općinskog vijeća o utvrđivanju opšteg dobra broj: 01-02-1-625/04 od 02.3.2004. godine.

Član 2.

Davanjem ove Saglasnosti Općinsko vijeće konstatuje da Korigovani početni bilans J.P. „RAD“ Lukavac (pravni sljednik „RAD“ Javno preduzeće za komunalne i zanatske usluge Lukavac) na dan 31.12.1999.godine nakon izvršenog isknjižavanja javnih dobara, iznosi 4.283.534,22 KM.

Član 3.

Stupanjem na snagu ove Odluke preduzeće će dostaviti Korigovani početni bilans J.P. „RAD“ Lukavac (pravni sljednik „RAD“ Javno preduzeće za komunalne i zanatske usluge Lukavac) na dan 31.12.1999.godine, uspostavljen po osnovu Odluke Općinskog vijeća o utvrđivanju opšteg dobra broj: 01-02-1-318/00 od 17.02.2000. godine i Odluke Općinskog vijeća o utvrđivanju opšteg dobra broj: 01-02-1-625/04 od 02.3.2004. godine, Kantonalnoj agenciji za privatizaciju Tuzla na nadležno odobravanje.

Član 4.

Ova Odluka stupa na snagu danom donošenja i objavit će se u „Službenom glasniku Općine Lukavac“.

*PREDSJEDAVAJUĆI
OPĆINSKOG VIJEĆA*

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-154/10
Lukavac, 28.01.2010.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 32. Statuta Općine Lukavac – prečišćeni tekst („Službeni glasnik Općine Lukavac“, broj: 5/08), Općinsko vijeće Lukavac na 17. redovnoj sjednici održanoj dana 27.01.2010.godine, donijelo je

ODLUKU

o značajnim manifestacijama i načinu proglašavanja i finasiranja manifestacija od općeg interesa na području Općine Lukavac

1. OPĆE ODREDBE

Član 1

Ovom odlukom utvrđuje se način obilježavanja međunarodnih i državnih praznika, značajnih manifestacija i manifestacija od općeg interesa na području Općine Lukavac, kriteriji i procedure po kojima će se vršiti selekcija i stjecanje statusa manifestacije od općeg interesa za Općinu Lukavac, te način obezbjeđivanja sredstava u budžetu Općine Lukavac za održavanje manifestacija.

Član 2

1.1 Značajne manifestacije

Status značajne manifestacije podrazumijeva manifestacije koje imaju karakter obilježavanja značajnih datuma iz historije BiH, značajnih međunarodnih datuma definisanih zakonom i značajnih datuma Općine Lukavac. Manifestacije u toj kategoriji su:

1. Međunarodni i državni praznici
2. Dani Općine Lukavac
3. Memorijalni jubileji koji se obilježavaju na području Općine Lukavac

Član 3

1.2 Manifestacije od općeg interesa

Status manifestacija od općeg interesa označava manifestacije koje obilježavaju uspjehe značajnih ličnosti, kulturne i sportske manifestacije, smotre i takmičenja, organizacije turističkih prezentacija i sajмова, običaja i tradicije naroda BIH, prezentacija nošnji, gastro – ponude i ostalih aktivnosti za koje se opredijeli Općinsko vijeće Lukavac, a koje imaju kontinuirani status. Takve manifestacije obuhvataju slijedeće oblasti:

1. Oblast kulture
2. Oblast sporta
3. Oblast turizma
4. Ostali oblici koji mogu imati status značajnih manifestacija

Član 4

2. ZNAČAJNE MANIFESTACIJE

Prema odredbama člana 2. ove Odluke, na području Općine Lukavac, kontinuirano će se obilježavati slijedeće značajne manifestacije:

2.1. Međunarodni i državni praznici

- 1. mart Dan nezavisnosti BiH
- 1. maj Međunarodni praznik rada
- 9. maj Dan pobjede nad fašizmom
- 25. novembar Dan državnosti BiH
- Nova godina

2.2. Općinski praznici

2.2.1 Majski dani otpora

U okviru Majskih dana otpora obilježavat će se slijedeće manifestacije:

- 11. maj Dan oslobođenja Vijenca i Gornjih Jarušaka.
- 19. maj obilježavanje napada na Općinu Lukavac.
- 28. maj Dan oslobođenja Skresaca
- 3. juli Dan oslobođenja Griča
- 28. avgust Dan stradanja građana Dobošnice
- 7. oktobar Dan formiranja 117 - 223 Brdske brigade i 212 - 222 Bosanske oslobodilačke brigade
- i druge manifestacije za čije obilježavanje iskažu želju druge mjesne zajednice u okviru majskih dana otpora

2.2.2 Dani Općine

- Septembarski dani Općine Lukavac
- 18. septembar Dan Općine Lukavac

2.2.3 Memorijalne manifestacije

- Memorijal Avdo Mujkić
- Memorijal Jusuf Begić
- Međunarodni memorijalni turnir „Elmir - Elo Salihović“
- Memorijalni turnir „Braća Babić“
- i druge manifestacije po odluci Općinskog vijeća

2.2.4. Sajmovi od značaja za Općinu

- *Sajam turizma, lova i ribolova „List“*
- *Vašar u Puračiću*

2.4 Ostale manifestacije

Ostale manifestacije su manifestacije koje nisu dobile karakter manifestacija od općeg interesa, a održavaju se svake godine kao oblik redovne aktivnosti registrovanog subjekta i podliježu procedurama i kriterijima definisanim Pravilnikom o procedurama i kriterijima o značajnim manifestacijama i načinu proglašavanja i finansiranja manifestacija od općeg interesa na području Općine Lukavac, (u daljnjem tekstu Pravilnik). Ovaj Pravilnik, donosi Općinski načelnik.

Član 5

3. MANIFESTACIJE OD OPĆEG INTERESA

Pod pojmom manifestacije od općeg interesa podrazumijevaju se manifestacije za koje postoji širi općinski interes i koje registrovani subjekti mogu kandidovati kao manifestacije sa dugoročnim statusom održavanja, a ustanovljavaju se odlukom Općinskog vijeća. Takve manifestacije imat će obezbijeđen izvor finansiranja definisan Pravilnikom koji donosi Općinski načelnik.

Član 6

4. KANDIDOVANJE MANIFESTACIJA

Kandidovanje manifestacija podrazumijeva:

- *prijavu sa urađenim projektom za uvrštavanje novog oblika manifestacije,*
- *prijave za organizovanje već usvojene manifestacije.*

Prijava nove manifestacije vrši se na propisanom obrascu uz urađen projekat aktivnosti za realizaciju kandidovane manifestacije a podliježe proceduri koju provodi Tim za selekciju izbora kandidovanih manifestacija i izradu prijedloga obilježavanje značajnih manifestacija (u daljem tekstu: Tim). Takva manifestacija, po usvajanju, uvrštava se u kalendar aktivnosti u narednoj kalendarskoj godini, ako ne podrazumijeva situaciju hitnog postupka donošenja.

Kandidovanje već usvojenih manifestacija na propisanom obrascu je obavezno za svaku godinu, čime se utvrđuje finansijski plan manifestacije.

Za obilježavanje navedenih manifestacija, ovom Odlukom uspostavlja se slijedeća opća procedura:

Služba za opću upravu, privredu i društvene djelatnosti (u daljnjem tekstu Služba) će uputiti javni poziv za kandidovanje svih oblika manifestacija koje se odvijaju na području Općine Lukavac za svaku narednu budžetsku godinu.

Subjekti koji kandiduju već postojeću ili određenu novu manifestaciju, dostavljaju prijavu i prijedlog projekta Službi, na propisanom obrascu, sa jasnim statusom kandidovane manifestacije. (Obrazac prijave je u prilogu Pravilnika koji donosi Općinski načelnik). Prijedlog kandidovane manifestacije razmatra Tim. Nakon obrade ponuđenog projekta kandidovane manifestacije po važećim kriterijima, Služba

upućuje prijedlog, sa obrazloženjem, na razmatranje i usvajanje Općinskom vijeću Lukavac, za uvrštavanje u kalendar nove manifestacije. Za već usvojene manifestacije, Tim provodi proceduru finansiranja postojeće manifestacije. Odluka Općinskog vijeća o sticanju statusa manifestacije važi do njenog ukidanja, tj. donošenjem odluke vijeća o ukidanju statusa manifestacije, a preciziranih usvojenim kriterijima.

Nakon donošenja Odluke iz stava 6 ovog člana, nove manifestacije određenog ranga će se uvrstiti u kalendar manifestacija od interesa za Općinu Lukavac za narednu godinu. Kandidatura za manifestacije može se uputiti u toku godine i bez javnog poziva, putem aplikacije koja je u prilogu Pravilnika, ako za takvu situaciju postoje opravdani razlozi i ako se ispune uslovi definisani ovom Odlukom.

Ukoliko se ukaže potreba da se u kalendar značajnih datuma manifestacija mora uvrstiti određena manifestacija u tekućoj budžetskoj godini, a to je uslovljeno izmjenom zakona ili hitnosti postupka, Tim će dati prijedlog za uvrštavanje i finansiranje takve manifestacije, Općinskom vijeću Lukavac.

4.1. Oblasti koje se mogu kandidovati

Oblasti koje zainteresovani subjekti mogu kandidovati kao oblike manifestacije definisane su članom 3. ove Odluke.

Pravo na kandidovanje manifestacija iz navedenih oblasti imaju:

4.1.1 Oblast kulture

- Registrovana kulturno-umjetnička društva Općine Lukavac
- Registrovana udruženja građana koja se bave kulturnim aktivnostima
- Javne ustanove na području Općine Lukavac koje se bave kulturom ili u svom radu imaju određene kulturne aktivnosti
- Mjesne zajednice, omladinske organizacije, koje se bave kulturnim aktivnostima pri mjesnim zajednicama

4.1.2. Oblast sporta

- Sportski savez Općine Lukavac
- Sportska udruženja građana

4.1.3. Oblast turizma

- Turistička zajednica
- Organizacije, udruženja i firme koje se bave turizmom na području Općine Lukavac
- Organizacije, udruženja i firme koje se bave turizmom izvan područja Općine, ukoliko se kandidovana manifestacija odvija na području Općine Lukavac.

4.1.4. Ostale manifestacije

- NVO i drugi subjekti koji se bave određenim aktivnostima a koje ispunjavaju ove kriterije

4.2 Tim za selekciju izbora kandidovanih manifestacija i izradu prijedloga obilježavanja značajnih manifestacija

Za sve predviđene manifestacije naležan je Tim, koga sačinjavaju:

1. *Predsjedavajući Općinskog vijeća*
2. *Sekretar Općinskog vijeća*
3. *Pomoćnik Općinskog načelnika za opću upravu, privredu i društvene djelatnosti*
4. *Savjetnik Općinskog načelnika za društvene djelatnosti*
5. *Predstavnik Centra za kulturu Lukavac*
6. *Službenik za informativne poslove*
7. *Predstavnik medija – RTV Lukavac*
8. *Predstavnik boračkih organizacija*

Predsjedavajući Tima je Predsjedavajući Općinskog vijeća Lukavac.

Predsjedavajući Tima može za potrebe Tima angažovati i stručna lica iz pojedinih oblasti, ukoliko se za to ukaže potreba. Tim, na prijedlog Službe za opću upravu, privredu i društvene djelatnosti, imenuje Općinski načelnik.

Zadaci Tima :

- *Vrši selekciju kandidovanih projekata za sve manifestacije.*
- *Određuje karakter manifestacija (svečana akademija, svečana sjednica i sl.).*
- *Određuje vrstu kulturno – zabavnog programa i učesnike programa.*
- *Određuje visinu potrebnih sredstava i način finansiranja manifestacije.*
- *Određuje zadatke članovima tima za realizaciju manifestacije.*
- *Vrši evaluaciju realizacije zadataka i manifestacija u cijelosti i daje Službi određene preporuke.*
- *Daje prijedloge i preporuke za usvajanje određenih odluka iz svoje nadležnosti Općinskom vijeću Lukavac.*

Član 7

5. FINANSIRANJE MANIFESTACIJA

Finansiranje manifestacija, navedenih u članu 2. i 3. ove Odluke može biti u cijelosti i djelimično, a u okviru budžetskih stavki:

1. *Sredstva za kulturu.*
2. *Dani Općine Lukavac manifestacije od općeg interesa.*
3. *Namjenski predviđena sredstva u budžetu za tekuću godinu, za određenu manifestaciju.*
4. *Sredstva predviđena za finansiranje udruženja građana.*
5. *Sredstva za podsticaj mladima .*
6. *i druga sredstva koja podržavaju predložene projektne aktivnosti.*

Sve kandidovane manifestacije kao oblik sufinansiranja, ili kao kandidovane manifestacije na višem nivou, a za koje je potrebno sufinansiranje ili manifestacije koje se potpuno finansiraju sredstvima budžeta Općine Lukavac, podliježu ocjeni Tima, po predviđenim kriterijima Pravilnika koji je definisan ovom Odlukom.

Udruženja građana, koja za ove aktivnosti ostvare sredstva kroz posebnu liniju u budžetu za tekuću godinu, a koja nisu u funkciji redovne djelatnosti, ne mogu aplicirati na druga sredstva koja su namijenjena udruženjima građana.

Konačnu odluku o pojedinačnoj dodjeli sredstava za finansiranje manifestacije, shodno mogućnostima u budžetu, donosi Općinski načelnik.

Član 8

6. PRESTANAK STATUSA ZNAČAJNE MANIFESTACIJE I MANIFESTACIJE OD OPĆEG INTERESA

Dobijeni status manifestacije ne podrazumijeva trajan status. Prestanak statusa može biti uzrokovan različitim faktorima:

1. Zakonskom odredbom
2. Prestankom održavanja manifestacije
3. Nedostatka planiranih budžetskih sredstava za tekuću godinu
4. Loše organizacije i nepoštivanje kriterija od strane organizatora
5. Netransparentnosti u narativnom i finansijskom izvještavanju aplikanta
6. Na zahtjev organizatora
7. Neispunjavanjem odredbi člana 9. ovih kriterija
8. Gubljenje kontinuiteta održavanja manifestacije
9. i drugi razlozi

Za sve navedene razloge za prestanak organizovanja manifestacije, Općinsko vijeće Lukavac, na prijedlog Službe za opću upravu, privredu i društvene djelatnosti, donosi odluku o privremenom ili trajnom prestanku statusa manifestacije od općeg interesa.

Isto tako, odlukom Općinskog vijeća može prestati i status obilježavanja ostalih manifestacija, bilo koje vrste, ako za to postoje zakonski razlozi, ili razlozi definisni ovim kriterijima.

Član 9

7. IZVJEŠTAVANJE I KONTROLA

Služba za opću upravu, privredu i društvene djelatnosti će pratiti organizaciju manifestacija, vršiti ocjenu kvaliteta, a prema potrebi izvještavati Općinsko vijeće Lukavac o radu i utrošku sredstava korisnika. Konačan izvještaj o utrošku sredstava će se iskazati u izvršenju Budžeta na kraju budžetske godine koji razmatra i usvaja Općinsko vijeće Lukavac.

Korisnici usluga su dužni Službi podnositi izvještaje o održanoj manifestaciji u opisnom i finansijskom izvještavanju, na obrascu koji je sastavni dio ove Odluke, odmah nakon realizacije manifestacije.

Korisnici sredstava sa posebno uvrštenom linijom finansiranja u budžetu koja se dodjeljuje tokom godine ili na zahtjev korisnika, dužni su nadležnoj službi podnijeti izvještaj o utrošku sredstava do kraja budžetske godine, a najkasnije do kraja januara naredne godine.

Korisnici sredstava koji nisu ispunili obaveze definisane ovim članom, moraju izvršiti povrat dobijenih sredstava i gube pravo na finansiranje manifestacija bilo koje vrste za narednu budžetsku godinu.

Član 10

Na osnovu ove Odluke Općinski načelnik donosi „Pravilnik o kriterijima i procedurama za proglašavanje i finansiranje značajnih i manifestacija od općeg interesa na području Općine Lukavac“.

Član 11

Na osnovu ove Odluke, a na prijedlog Službe za opću upravu, privredu i društvene djelatnosti, Tim utvrđuje Kalendar obilježavanja značajnih datuma, manifestacija od općeg interesa i memorijalnih manifestacija, na području Općine Lukavac za tekuću godinu.

Ovaj kalendar će se donosti za svaku kalendarsku godinu.

Član 12

8. PRIJELAZNE I ZAVRŠNE ODREDBE

Ova odluka, stupa na snagu danom objavljivanja u „Službenom glasniku Općine Lukavac“, a primjenjivat će se od budžetske 2010. godine.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-106/10
Lukavac, 28.01.2010.godine

Na osnovu člana 13. Zakona o principima lokalne samouprave („Službene novine Federacije BiH“, broj: 49/06), člana 32. Statuta općine Lukavac – prečišćeni tekst („Službeni glasnik općine Lukavac“, broj: 5/08), a u okviru planiranih sredstava u Budžetu općine Lukavac za 2010. godine i inicijative sa sjednice Općinskog vijeća od 05.10.2009.godine, te iskazanog interesa za prijem volontera, Općinsko vijeće Lukavac na 17. redovnoj sjednici održanoj dana 27.01.2010.godine,
d o n i j e l o j e

O D L U K U

o obavljanju volonterskog rada nezaposlenih osoba visoke stručne spreme sa područja općine Lukavac

Član 1.

Ovom Odlukom definiše se broj osoba visoke stručne spreme po vrsti zanimanja kojima se omogućava obavljanje volonterskog rada, te postupak i kriterij odabira nezaposlenih osoba visoke stručne spreme (volontera), kao i način zaključivanja ugovora i finansiranje.

Član 2.

Odobrava se obavljanje volonterskog rada za 77 nezaposlenih osoba visoke stručne spreme, koji se nalaze na evidenciji nezaposlenih sa područja općine Lukavac sljedećih zanimanja:

1.	Profesor bosanskog jezika.....	14 volontera
2.	Profesor razredne nastave.....	4 volontera
3.	Psiholog-pedagog.....	10 volontera
4.	Defektolog-logoped.....	3 volontera
5.	Profesor biologije.....	3 volontera
6.	Profesor geografije ili historije.....	1 volonter
7.	Profesor matematike.....	1 volonter
8.	Profesor fizike.....	1 volonter
9.	Profesor hemije.....	2 volontera
10.	Profesor tjelesnog odgoja.....	7 volontera
11.	Profesor njemačkog jezika.....	4 volontera
12.	Profesor engleskog jezika.....	3 volontera
13.	Profesor islamske vjeronauke.....	1 volonter
14.	Profesor mašinske grupe predmeta.....	1 volonter
15.	Profesor elektro grupe predmeta.....	4 volontera
16.	Profesor informatike.....	1 volonter
17.	Profesor saobraćajne grupe predmeta.....	1 volonter
18.	Profesor ekonomske grupe predmeta.....	3 volontera

19. *Diplomirani kriminalista* 4 volonter
20. *Diplomirani inženjer geologije* 3 volontera
21. *Diplomirani inženjer rudarstva* 3 volontera
22. *Diplomirani pravnik* 2 volontera
23. *Diplomirani ekonomista* 1 volonter

Ukoliko se na poziv za prijem volontera ne javi odgovarajući ili nedovoljan broj lica po naprijed navedenim vrstama zanimanja, mogu se angažovati i lica sa dugim zanimanjima ako se sa pravnim subjektima obezbijede uslovi za njihovo volontiranje.

Pravo prijave na poziv za prijem volontera imaju i osobe, koje su o vlastitom trošku, započele obavljanje volonterskog rada, a isti nisu odradile do kraja.

Član 3.

Odabir nezaposlenih osoba izvršit će Komisija koju imenuje Općinski načelnik na osnovu raspisanog javnog poziva, uz osnovni kriterij - dužina čekanja na evidenciju nezaposlenih osoba nakon sticanja visoke stručne spreme, a prema iskazanim potrebama javnih ustanova i postignutih sporazuma sa preduzećima na području općine Lukavac.

Javni poziv raspisat će Služba za opću upravu privredu i društvene djelatnosti.

Član 4.

Nakon odabira kandidata za volontiranje u obrazovnim ustanovama pribavit će se saglasnost Ministarstva za obrazovanje, nauku, kulturu i sport TK-a, te konačne liste proslijediti ustanovama i subjektima kod kojih su lica angažovana.

Član 5.

Ovom Odlukom daje se saglasnost Općinskom načelniku da zaključi ugovore o volontiranju sa pravnim subjektima u kojima će volonteri obavljati volonterski rad, a kojim će se bliže regulisati međusobna prava i obaveze u pogledu finansiranja i prihvatanja volontera.

Član 6.

Sredstva za provođenje ove odluke obezbjeđuju se u Budžetu općine Lukavac.

Član 7.

Odluka stupa na snagu danom objavljivanja u „Službenom glasniku općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-1-113/10
Lukavac, 28.01.2010.godine

Na osnovu člana 49. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) i člana 45. stav 2., a u vezi sa članom 32. Statuta općine Lukavac – prečišćeni tekst („Službeni glasnik općine Lukavac“, broj 5/08), Općinsko vijeće Lukavac na 17. sjednici održanoj dana 27.01.2010.godine, donijelo je

O D L U K U

o izmjenama Odluke o izmjenama i dopunama Odluke o službama organa državne službe općine Lukavac

Član 1.

U Odluci o izmjenama dopunama Odluke o službama organa državne službe općine Lukavac („Službeni glasnik općine Lukavac“, broj: 9/09) – u daljem tekstu: Odluka, mijenja se član 5 Odluke i glasi:

„Iza člana 18 dodaje se novi član 18a i glasi:

18a

Na dan 31.12.2009.godine ukida se i prestaje sa radom Služba za urbanizam, prostorno planiranje, geodetske i imovinsko-pravne poslove.

Na isti dan ukida se i prestaje sa radom Teritorijalna vatrogasna jedinica Lukavac, a poslove i uposlenike iste preuzima Služba civilne zaštite općine Lukavac“.

Član 2.

Mijenja se član 6. Odluke i glasi:

„Iza člana 19.Odluke dodaje se novi član 19a i glasi:

19a

Na dan 01.01.2010. godine počinju sa radom, sa djelokrugom poslova utvrđenih ovom Odlukom:

Služba za geodetske i imovinsko-pravne poslove i
Služba za urbanizam, prostorno planiranje i investicije“.

Član 3.

Mijenja se član 7. Odluke i glasi:

„Iza člana 20a. Odluke dodaje se novi član 20b. i glasi:

20b

„Služba za geodetske i imovinsko-pravne poslove i Služba za urbanizam, prostorno planiranje i investicije, koje preuzimaju poslove iz nadležnosti Službe za urbanizam, prostorno planiranje, geodetske i imovinsko-pravne poslove, preuzimaju i državne službenike i namještenike koji su radili na tim poslovima do dana prenošenja poslova”.

Član 4.

Mijenja se član 8. Odluke i glasi:

„Iza člana 21a. Odluke dodaje se novi član 21b. i glasi:

21b

Državni službenici i namještenici općinskih službi koje preuzimaju poslove iz nadležnosti Službe za urbanizam, prostorno planiranje, geodetske i imovinsko-pravne poslove, postavljaju se bez konkursa, odnosno oglasa, na radna mjesta u Službi koja je preuzela određene poslove u skladu sa uslovima propisanim Pravilnikom o unutarnjoj organizaciji organa državne službe općine Lukavac“.

Član 5.

Ova Odluka stupa na snagu danom objavljivanja u „Službenom glasniku općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-1997/10
Lukavac,28.01.2010. godine

Na osnovu člana 32. Statuta općine Lukavac - Prečišćeni tekst- („Službeni glasnik Općine Lukavac“, broj: 5/08) i člana 31. Odluke o izvršenju budžeta općine Lukavac za 2010.godinu („Službeni glasnik Općine Lukavac“, broj: 9/09) Općinsko vijeće Lukavac, na 17. redovnoj sjednici održanoj dana 27.01.2010. godine, donijelo je

ODLUKU o utvrđivanju kriterija za dodjelu stipendija

Član 1.

Ovom Odlukom utvrđuju se kriteriji za dodjelu stipendija učenicima srednjih škola i studentima sa područja općine Lukavac za budžetsku 2010. godinu, uslovi dodjele, broj i visina stipendija.

Član 2.

Putem Javnog konkursa, a prema uslovima i kriterijima utvrđenim ovom Odlukom, učenicima srednjih škola će biti dodijeljeno 17 stipendija, a studentima 22 stipendije kako slijedi: I godine studija 5 stipendija, II godine studija 5 stipendija, III godine studija 5 stipendija, IV godine studija 5 stipendija, V godine studija 1 stipendija i VI godine 1 stipendija - za školsku 2009/2010.godinu.

Član 3.

Visina stipendije iz člana 2. ove Odluke iznosi:

- za učenike srednjih škola - mjesečno 50,00 KM;
- za studente mjesečno - 100,00 KM.

Stipendije se dodjeljuju za jednu školsku godinu i isplaćivat će se za deset mjeseci.

Odobrena sredstva po ovoj Odluci isplatit će se korisnicima u skladu sa raspoloživim sredstvima u Budžetu .

Član 4.

Izbor kandidata za stipendiranje vrši se na osnovu prijave na konkurs.

Konkurs sadrži:

- uslove koje kandidati moraju ispunjavati;
- broj kandidata koji se stipendiraju
- rok za podnošenje prijava
- način prigovora po rezultatima konkursa

Član 5.

Opšti uslovi za dodjelu stipendija za učenike srednjih škola i studente jesu da je kandidat:

- državljanin BiH
- da kandidat i članovi njegove porodice imaju prebivalište na području Općine Lukavac
- da je redovan učenik - student koji prvi puta upisuje školsku godinu.

Član 6.

Kriteriji za dodjelu stipendija su:

- uspjeh u školi
- materijalni položaj
- socijalni status
- da nije korisnik stipendije po drugom osnovu
- da u istoj porodici nema korisnika ove stipendije

Pravo na stipendiju prema ovim kriterijima u okviru iste porodice može ostvariti samo jedan član a prema visini ostvarenih bodova po ovom kriteriju.

U slučaju da ima manje prijavljenih studenata odnosno učenika na bilo kojoj godini studija, odnosno razredu, stipendije će se proporcionalno podijeliti na ostale godine odnosno razrede.

Član 7.

U skladu sa kriterijima iz člana 6. ove Odluke, bodovanje će se vršiti kako slijedi:

USPJEH U ŠKOLI

1. učenik generacije - 40 bodova; (učenik generacije neće se bodovati po osnovu uspjeha u školi u skladu sa tačkama 2., 3. i 4.)
2. za učenike prvih razreda srednjih škola koji su u osmom razredu ostvarili prosječnu ocjenu od najmanje 4,50 – bodovanje će se izvršiti množenjem prosječne ocjene sa koeficijentom 5;
3. za učenike drugih, trećih i četvrtih razreda srednjih škola koji su ostvarili prosječnu ocjenu od najmanje 4,00 u prethodnoj godini - bodovanje će se izvršiti množenjem prosječne ocjene sa koeficijentom 5;
4. za redovne studente koji prvi put upisuju prvu godinu - bodovanje će se izvršiti množenjem prosječne ocjene iz prethodne godine od najmanje 4,00 sa koeficijentom 5;
5. za redovne studente koji prvi put upisuju drugu i naredne godine studija a koji su ostvarili prosječnu ocjenu od najmanje 7,00 - bodovanje će se izvršiti množenjem prosječne ocjene sa koeficijentom 5.

MATERIJALNI POLOŽAJ:

1. porodično domaćinstvo bez prihoda 35 bodova
2. do 100 KM po članu porodičnog domaćinstva..... 30 bodova
3. od 101 do 150 KM po članu porodičnog domaćinstva..... 25 bodova
4. od 151 do 200 KM po članu porodičnog domaćinstva..... 20 bodova
5. od 201 do 250 KM po članu porodičnog domaćinstva..... 15 bodova
6. od 251 KM do 300 KM po članu porodičnog domaćinstva 10 bodova
7. od 301 do 351 KM po članu porodičnog domaćinstva..... 05 bodova
8. preko 351 KM..... 00 bodova

Ukupan prihod čine prihodi koje članovi domaćinstva ostvaruju po osnovu: plaća i drugih primanja iz radnog odnosa, starosne, invalidske i porodične penzije, uslužne i druge djelatnosti.

SOCIJALNI STATUS

1. djeca bez oba roditelja..... 20 bodova
2. djeca bez jednog roditelja..... 10 bodova

Član 8.

Kod ostvarenog istog broja bodova prilikom bodovanja po svim navedenim kriterijima prednost će imati, u skladu sa Zakonom o dopunskim pravima boraca i članova njihovih obitelji („Službene novine TK“, broj: 3/07, 4/08 i 9/08), kandidati kako slijedi:

1. djeca iz porodica šehida i poginulih boraca;
2. studenti RVI, odnosno učenici i studenti iz porodica RVI sa većim procentom Invalidnosti;
3. djeca dobitnika najvećeg ratnog priznanja značke „Zlatni ljiljan“
4. studenti - pripadnici OS BiH ili studenti i učenici iz porodica pripadnika OS BiH u periodu 1992-1995.godina a prema dužini staža provedenog u Armiji BiH, HVO i Policiji;
5. učenici - studenti iz porodice civilnih invalida sa većim procentom invalidnosti i učenici studenti civilni invalidi sa većim procentom invalidnosti.
6. kandidati čija su primanja po članu domaćinstva niža.

U svim drugim slučajevima jednakog broja bodova po svim navedenim kriterijima, prednost će imati kandidati koji su slabijeg materijalnog položaja.

Član 9.

Organizacijama i udruženjima sa područja općine Lukavac, pored utvrđenog broja stipendija u članu 2. ove Odluke, nakon provedene procedure po kriterijima utvrđenim ovom Odlukom, te dostavljanja konačnih prijedloga kandidata odobrit će se sredstava za stipendiranje kako slijedi:

- Organizacija RVI općine Lukavac, 4 učeničke i 4 studentske stipendije (redovni ili studij za vlastite potrebe);
- Udruženju PŠiPB općine Lukavac, 4 učeničke i 4 studentske stipendije (redovni ili studij za vlastite potrebe);
- Organizacija demobilisanih boraca općine Lukavac, 4 učeničke i 4 studentske stipendije (redovni ili studij za vlastite potrebe);
- Udruženjima Roma, 4 učeničke stipendije (dva Udruženja po dvije stipendije);
- Udruženju roditelja djece sa posebnim potrebama, 4 učeničke stipendije

Član 10.

Općinskom Načelniku ostavlja se mogućnost da dodijeli 5 učeničkih i 5 studentskih stipendija redovni studij), iz reda prijavljenih kandidata koji nisu zadovoljili kriterije konkursa, uzimajući u obzir materijalni položaj ili uspjeh u školi.

Član 11.

Konkurs iz člana 2. ove Odluke provodi Komisija za dodjele stipendija (u daljem tekstu: Komisija) koju imenuje Općinski načelnik.

Konkurs se objavljuje u najmanje jednom sredstvu javnog informisanja.

Zadaci Komisije su: pregled prispjelih prijava i dokumentacije, utvrđivanje rang liste po objavljenom konkursu za dodjelu stipendija učenicima i studentima sa područja općine Lukavac a na osnovu utvrđenih kriterija.

Utvrđivanje određenih činjenica iz podnesenih zahtjeva za dodjelu stipendija Komisija vrši i uzima u razmatranje onakve kakve su postojale u momentu -danu zaključivanja konkursa.

Neblagovremene i nepotpune prijave neće se uzeti u razmatranje.

Član 12.

Nakon provedenog postupka za utvrđivanje prava na dodjelu stipendija, Komisija će utvrditi rang listu kandidata prema broju osvojenih bodova. Rang lista će biti objavljena na oglasnoj ploči organa državne službe. Na rang listu se može izjaviti prigovor Komisiji za dodjelu stipendija u roku od 8 (osam) dana od dana objavljivanja rang liste.

Član 13.

Odluku o dodjeli stipendija po prijedlogu Komisije donosi Općinski načelnik na koju se može izjaviti žalba Komisiji za rješavanje u drugostepenom postupku.

Član 14.

Ukoliko se utvrdi da izabrani kandidat napusti redovno školovanje - studiranje (bez opravdanog razloga) ili promijeni mjesto prebivališta isplata stipendije će biti obustavljena.

Ukoliko se utvrdi da izabrani kandidat koristi stipendiju po nekom drugom osnovu dužan je izvršiti povrat do tada primljenih sredstava od Općine.

Član 15

Stupanjem na snagu ove Odluke prestaje da važi Odluka o utvrđivanju kriterija za dodjelu stipendija („Službeni glasnik općine Lukavac“, broj: 2/09)

Član 16.

Za izvršenje ove Odluke zadužuju se Služba za opću upravu, privredu i društvene djelatnosti i Služba za budžet i finansije.

Član 17.

Ova Odluka stupa na snagu danom objavljivanja u „Službenom glasniku Općine Lukavac“.

*PREDSJEDAVAJUĆI
OPĆINSKOG VIJEĆA*

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-195/10
Lukavac, 29.01.2010.godine

Na osnovu člana 32. Statuta općine Lukavac – prečišćeni tekst („Službeni glasnik općine Lukavac“, broj: 5/08), i člana 105. Poslovnika o radu Općinskog vijeća Lukavac („Službeni glasnik općine Lukavac“, broj: 5/06, 2/09 i 5/09) na 17. redovnoj sjednici održanoj dana 27.01.2010. godine Općinsko vijeće Lukavac, donijelo je

O D L U K A
o izmjenama Odluke
o visini vjećničkog paušala i drugih naknada

Član 1.

U članu 3. u stavu 1 Odluke o visini vjećničkog paušala i drugih naknada („Službeni glasnik općine Lukavac“, broj: 5/01,6/05), broj „350“ zamjenjuje se brojem „400“, a u stavu 2 istog člana broj „50“ zamjenjuje se brojem „150“

Član 2.

Ova Odluka stupa na snagu danom objavljivanja u „Službenom glasniku općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-198/10

Lukavac, 28.01.2010.godine

Na osnovu člana 12. Zakona o ministarskim, vladinim i drugim imenovanjima („Službene novine F BiH“, broj: 12/03), člana 105. Statuta općine Lukavac – prečišćeni tekst („Službeni glasnik općine Lukavac“, broj: 5/08), i člana 3. Odluke o utvrđivanju uslova i kriterija za imenovanja na pozicije u regulirane organe („Službeni glasnik Općine Lukavac“, broj: 6/04), Općinsko vijeće Lukavac na 17. redovnoj sjednici održanoj dana 27.01.2010. godine donijelo je

RJEŠENJE

o imenovanju članova Upravnog odbora JU za odgoj
i obrazovanje djece predškolskog uzrasta

I

Za članove Upravnog odbora JU za odgoj i obrazovanje djece predškolskog uzrasta imenuju se slijedeća lica:

1. Samir Ćosičkić, mr. tehničkih nauka iz oblasti elektrotehnike -predsjednik
2. Faketa Sarajlić, nastavnik predškolskog odgoja i obrazovanja - član
3. Mirela Beganović, dipl. ing. tehnologije - član
4. Elvisa Ahmetović, dipl. ecc - član
5. Hasija Imamović, ekonomist - član

II

Članovi Upravnog odbora imenuju se na period od 4 godine, osim člana Imamović Hasije koja se imenuje na 2 mjeseca.

III

Rješenje proizvodi pravno dejstvo danom donošenja, a objavit će se u „Službenom glasniku Općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-05-197/10
Lukavac, 28.01.2010.godine

Na osnovu člana 35. Statuta općine Lukavac – prečišćeni tekst („Službeni glasnik općine Lukavac“, broj: 5/08) i člana 26. Poslovnika o radu Općinskog vijeća Lukavac („Službeni glasnik općine Lukavac“, broj: 5/06, 2/09 i 5/09), Općinsko vijeće Lukavac na 16. i 17. redovnoj sjednici održanoj dana 30.12.2009. godine i 27.01.2010. godine donijelo je

RJEŠENJE

o imenovanju članova Komisije za praćenje izvršenja budžeta

I

Za članove Komisije za praćenje izvršenja budžeta imenuju se slijedeća lica:

- Rasim Begić - predsjednik
- Nedret Fazlić - član
- Suad Hasanhodžić - član

II

Rješenje proizvodi pravno dejstvo danom donošenja, a objavit će se u „Službenom glasniku Općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinski načelnik

Broj: 02-05-1894/09
Lukavac, 07. 12. 2009.godine

Na osnovu članova 69. i 70. Pravilnika o knjigovodstvu budžeta u Federaciji Bosne i Hercegovine („Službene novine Federacije BiH“, broj: 15/07) i člana 41. Statuta općine Lukavac - prečišćeni tekst („Službeni glasnik općine Lukavac“, broj: 5/08), Općinski Načelnik donosi

R J E Š E N J E

o formiranju Komisije za provođenje redovnog godišnjeg popisa za 2009. godinu

Član 1.

Formira se Komisija za provođenje redovnog godišnjeg popisa sredstava i obaveza prema izvornim sredstvima jedinstvenog organa državne službe Općine Lukavac, Teritorijalne vatrogasne jedinice, Službe za operativno-tehničke poslove i Općinskog pravobranilaštva sa stanjem na dan 31.12.2009.godine, posebno za svaki oblik sredstava i obaveza prema izvorima sredstava, kako slijedi:

I STALNA SREDSTVA

I.1. Komisija za popis nematerijalnih stalnih sredstava i robe:

1. Voloder Enisa, predsjednik
2. Stupar Himzo, član
3. Mehmedinović Mirela, član

I.2. Komisija za popis materijalnih sredstava

I.2.1. Komisija za popis zemljišta, građevinskih objekata i stanova

1. Stjepić Mladenka, predsjednik
2. Džaferović Mirsada, član
3. Hasanhodžić Fahrudin, član

I.2.2. Komisija za popis opreme

1. Salibašić Hasiba, predsjednik
2. Aganović Mirsad, član
3. Aljukić Razem, član
4. Mujčinović Edina, član
5. Kavazović Aida, član
6. Biščić Dževad, član

I.2.3. Komisija za popis ostalih materijalnih stalnih sredstava u pripremi, van upotrebe, avansi, ostala materijalna sredstva i ispravke vrijednosti

- 1. Alibegović Muhidin, predsjednik*
- 2. Kovačević Muhamed, član*
- 3. Mešanović Nehrudin, član*

I.3. Komisija za popis dugoročnih ulaganja, dugoročnih kredita, ostalih dugoročnih potraživanja i dugoročnih razgraničenja

- 1. Ališkanović Fersudin, predsjednik*
- 2. Karić Mirsada, član*
- 3. Gazibegović Amra, član*

II GOTOVINA, KRATKOROČNA ULAGANJA, POTRAŽIVANJA I OBAVEZE

II.1. Komisija za popis gotovine, kratkoročnih ulaganja, potraživanja i obaveza

- 1. Nukić Razem, predsjednik*
- 2. Hodžić Vehid, član*
- 3. Hodžić Samira, član*

III MATERIJAL, REZERVNI DIJELOVI, SITAN INVENTAR, AMBALAŽA

III.1. Komisija za popis materijala, rezervnih dijelova, sitnog inventara i ambalaža

- 1. Nadžaković Zahida, predsjednik*
- 2. Dajdžić Suad, član*
- 3. Zaimović Mersija, član*
- 4. Saletović Paša, član*

Član 2.

Za koordinaciju rada Komisije iz člana 1. ovog Rješenja i izradu Zbirnog izvještaja formira se Centralna Komisija u sastavu:

- 1. Omerčić Seakić, predsjednik*
- 2. Imamović Mirsad, član*
- 3. Fejzić Asmir, član*

Član 3.

Za organizaciju popisa određuje se pomoćnik načelnika, Zuhdija Hrvatović.

Član 4.

Zadatak Komisije je da izvrši popis sredstava i obaveza iz člana 1. ovog Rješenja, da o istom sačini pojedinačne izvještaje i predaju ih Centralnoj Komisiji do 30.01.2010.godine.

Zadatak Centralne Komisije je da na osnovu pojedinačnih izvještaja komisija sačini Zbirni izvještaj i preda ga Općinskom Načelniku do 15.02.2010.godine.

Član 5.

Članovima Komisije pripada naknada, koja će se utvrditi posebnim rješenjem.

Član 6.

Ovo Rješenje stupa na snagu danom donošenja, a objavit će se u „Službenom glasniku općine Lukavac“.

OPĆINSKI NAČELNIK

Dževad Mujkić, dipl. prav. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinski načelnik

Broj: 02-02-3/10
Lukavac, 04.01.2010.godine

Na osnovu člana 41. Statuta općine Lukavac - prečišćeni tekst („Službeni glasnik općine Lukavac“, broj: 5/08), člana 4. Odluke o broju i djelokrugu rada savjetnika općinskog Načelnika, broj: 02-02-1-1351/06 od 22.06.2006.godine i člana 1. Odluke o izmjenama i dopunama Odluke o broju i djelokrugu rada savjetnika općinskog Načelnika, broj: 02-02-1-135/09 od 26.01.2009.godine, općinski Načelnik donosi

RJEŠENJE
o imenovanju Savjetnika Načelnika općine Lukavac

Član 1.

Za Savjetnika Općinskog Načelnika, za oblast urbanizma, prostornog planiranja, geodetskih i imovinsko-pravnih poslova, imenuje se Tunjić Jozo, dipl.ing.tehn., sa 01.01.2010.godine, a najduže do isteka mandata Općinskog načelnika.

Član 2.

Koeficijent za obračun plaće imenovanog iznosi 3,80, a primjenjivat će se od dana imenovanja.

Član 3.

Ovo rješenje stupa na snagu danom donošenja, a objavit će se u „Službenom glasniku općine Lukavac“.

OPĆINSKI NAČELNIK

Dževad Mujkić, dipl. prav. sr.

SLUŽBENI GLASNIK OPĆINE
LUKAVAC

Broj: 01/10

Izdaje: Općina Lukavac

Uređuje: Stručna služba Općinskog vijeća

Urednik: Sekretar Općinskog vijeća Izeta Bajrić

Tiraž: 75 primjeraka

Adresa: Općina Lukavac, Općinsko vijeće

Telefon – fax: 553-253

Službeni glasnik izdaje se po potrebi